

MEMORIA XUSTIFICATIVA DO CONVENIO DE COLABORACIÓN ENTRE LA VICEPRESIDENCIA SEGUNDA E CONSELLERÍA DE PRESIDENCIA, JUSTICIA Y DEPORTES DE LA XUNTA DE GALICIA Y LA ASOCIACIÓN “ESPAÑA CON ACNUR” (EL COMITÉ ESPAÑOL DEL ALTO COMISIONADO DE LAS NACIONES UNIDAS PARA LOS REFUGIADOS) PARA EL PROYECTO “ACCESO A SERVICIOS DE ATENCIÓN PSICOSOCIAL PARA PREVENIR Y OFRECER UNA RESPUESTA OPORTUNA A LAS PERSONAS SUPERVIVIENTES DE VIOLENCIA BASADA EN GÉNERO (VBG) Y DE SALUD MENTAL EN COLOMBIA” EN EL MARCO DE LA CRISIS MIGRATORIA VENEZOLANA Y LOS ACUERDOS DE PAZ.

(1) A Vicepresidencia Segunda e Consellería de Presidencia, Xustiza e Deportes, a través da Dirección Xeral de Relacións Exteriores e coa UE e da súa Subdirección Xeral de Cooperación Exterior, é o órgano da Administración autonómica que ten atribuído o exercicio das competencias en materia de cooperación para o desenvolvemento.

Unha das prioridades establecidas na Lei 10/2021, de 9 de marzo, reguladora da acción exterior e da cooperación para o desenvolvemento de Galicia, é o ámbito da acción humanitaria de emerxencia.

O V Plan Director da Cooperación Galega 2023- 2026, actualmente en tramitación parlamentaria, recoñece entre os ámbitos estratéxicos da cooperación galega, dunha banda AE 1. Promover o exercicio dos dereitos sociais básicos (saúde, educación, alimentación, hábitat e auga e saneamento básico) polas persoas e colectivos máis pobres e vulnerables, e doutra AE 6. Protexer e salvar vidas, aliviar o sufrimento e manter a dignidade humana respondendo ás crises humanitarias con eficacia e calidade, e cunha perspectiva de redución de vulnerabilidades e fomento da resiliencia, que a proposta presentada por ACNUR e que se apoiará co presente convenio axuda a cumprir, grazas á atención psicosocial e de resposta ás persoas superviventes de violencia baseada en xénero (VBG) en Colombia.

(2) Antecedentes: No ano 2008 asinouse coa Asociación España con ACNUR, Axencia de Nacións Unidas para os Refuxiados, un Acordo marco de colaboración a través da Fundación Axencia Humanitaria de Galicia (FAHG), para levar a cabo proxectos de axuda humanitaria



en apoio ás persoas refuxiadas. Nese mesmo ano asinouse a primeira addenda ao Acordo Marco por valor de 50.000 € para actuacións no Chad.

Nos anos 2009 e 2010 asináronse dúas novas addendas para a prestación de axuda de *emergencia ás persoas desprazadas internamente en Somalia e para a poboación refuxiada en Uganda*, por importe de 60.000 € e 50.000 €, respectivamente.

No 2011, trala extinción da FAHG, asinouse un convenio de colaboración a través da Dirección Xeral de Relacións Exteriores e coa UE por importe de 25.000 € para o apoio aos refuxiados no leste do Chad, ao que se lle deu continuidade no 2012, asinando un novo convenio de 25.000 € para contribuír a paliar a emerxencia nutricional nos campos de refuxiados de Dadaab, en Kenya. No 2013 asinouse un novo convenio para paliar as consecuencias do conflito sirio por 10.000 €, nos anos 2014, 2015 e 2016 asinouse un convenio por 20.000€ cada ano, que deu acceso a auga potable as persoas refuxiadas sudanesas no leste do Chad. No ano 2017 o obxecto do convenio asinado por un monto de 20.000 € foi o de prestar asistencia básica á poboación siria refuxiada en Xordania. No 2018 continuou a prestación de asistencia aos refuxiados sirios neste caso no Líbano. No ano 2019 desenvolveu o proxecto “protección e resposta á violencia sexual e de xénero de poboación refuxiada congoleña en Uganda” por un importe de 130.000 € e en 2020 “Prevención e resposta ante o coronavirus para as persoas refuxiadas” por un importe de 30.000,00 €. Os anos 2021 e 2022 foron financiados dous proxectos para a protección e asistencia de poboación refuxiada venezolana en Colombia no contexto del Covid-19 por importe tamén de 30.000,00 € en cada caso.

(3) Finalidade Establecer o marco de colaboración entre a Vicepresidencia Segunda e Consellería de Presidencia, Xustiza e Deportes e a entidade “España con ACNUR” para a execución do proxecto “Acceso a servizos de atención psicosocial para previr e ofrecer unha resposta oportuna ás persoas sobreviventes de violencia baseada en xénero (VBG) e de saúde mental en Colombia”.



(4) O convenio ten por obxecto contribuír a través de “España con ACNUR” a mellorar a protección internacional e as condicións de vida da poboación refuxiada e solicitante de asilo venezolana, retornada colombiana e comunidades de acollida en Colombia, incrementando o acceso a servizos de saúde mental, mellorando así a súa calidade de vida.

(5) A especificidade das actividades obxecto do proxecto son de claro interese público e, e as partes son conscientes de que é preciso conxugar esforzos e establecer estratexias que dean resposta ás necesidades e os dereitos da poboación refuxiada e desprazada interna, con atención especial na saúde mental e na prevención e protección fronte á violencia de xénero.

(6) A Xunta de Galicia financiará o proxecto cunha achega total de 50.000 € (cincuenta mil euros), con cargo a aplicación orzamentaria 06.07.331A.490.0.

(7) Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Asinado electrónicamente en Santiago de Compostela

O director xeral de Relacións Exteriores e coa UE

Jesús Gamallo Aller

